



NARKOMAFIJA Poslije najnovije zapljene velike količine droge u Neumu



Balkanska ruta ponovo aktivna

Vozač cisterne iz Metkovića skank preuzeo u Crnoj Gori • U Zenici pala 82 kilograma heroina iz Bugarske • Droga namijenjena narkotržištu zemalja EU

Posljednja velika zapljena 665 kilograma skanka u cisterni dubrovačkih oznaka pokazuje da se balkanska ruta krijumčarenja droge ponovo aktivirala. Droga milionске vrijednosti bila je namijenjena narkotržištu zapadne Evrope, a naša zemlja bila je samo tranzit. U našoj zemlji bilo je još velikih zapljena, a marihuana u Bosnu i Hercegovinu uglavnom dolazi iz Albanije, preko Crne Gore i Srbije, a heroin iz Bugarske.

Prevezao gorivo

U akciji Državne agencije za istrage i zaštitu (SIPA) kod Neuma je uhapšen vozač cisterne Mario Vuletić (47) iz Metkovića, državljanin Hrvatske i BiH, za kojeg je Tužilaštvo BiH zatražilo pritvor. Skank je preuzeo u Crnoj Gori, što se može zaključiti iz saopćenja Davorke Bečić, portparola Policijske uprave dubrovačko-neretvanske.

Radi se o vozilu za prijevoz opasnih tvari, dakle o cis-



Zapljena u Neumu: Vozač cisterne često prelazio granicu

terni, u vlasništvu jednog obrta iz Metkovića. To je vozilo stalno u našem nadzoru zbog učestalih prelazaka državne granice. Jučer (usrijedu, op. a.) u 1.40 sati izašao je u Crnu Goru pun goriva te se vratio oko 17 sati. Nakon 20 sati, osoba je zatečena na predjelu Neuma s drogom - izjavila je Bečić.

Balkanskom rutom u julu

prošle godine iz Bugarske je u BiH stigla pošiljka od 82 kilograma heroina, što je još jedna od rekordnih zapljena u našoj zemlji. Vrijednost ove droge procijenjena je na 12 miliona KM. Heroin su pripadnici Uprave za indirektno oporezivanje (UIO) pronašli u skladištu jedne zeničke firme, a na dokumentima je kao druga vrsta robe uvezen iz Bugarske. Heroin je u BiH bio samo u tranzitu, a namijenjen je, također, za tržište zapadne Evrope.

Rekordne zaplijene

Više od 739 kilograma marihuane zaplijeno je prošle godine u policijskoj akciji u Pelagičevu kod Bijeljine. Riječ je o najvećoj zapljeni marihuane

Droga i oružje u Sarajevu

Državna agencija za istrage i zaštitu (SIPA) u Sarajevu je 2016. godine zaplijenila velike količine oružja i droge, koji su trebali biti isporučeni u Zagreb radi prodaje u zemljama Evropske unije. U akciji su uhapšene četiri osobe. Pronađeni su desetak kilograma eksploziva, živa, puške i municija. Zaplijenjeno je i 9,5 kilograma marihuane, tri kilograma spida i 300 grama heroina.

u BiH u posljednjih 10 godina, od čega je 41 kilogram bio spreman za prodaju. Marihuana je pronađena u kući vlasništvo mrtve osobe, a koju je privremeno koristila druga osoba. Pripadnici Jedinice Granične policije Trebinje, u saradnji sa službenicima Policijske uprave Trebinje, oduzeli su u julu prošle godine na području Gacka 86,5 kilograma marihuane. Droga se nalazila u putničkim torbama i jutenim vrećama. Tada su uhapšena po dva državljanina BiH i Crne Gore. **B. CERić - M. SMAJKić**

U Brčkom čisti heroin

U Brčkom je u avgustu prošle godine u dva navrata u akciji "Povratnik" razbijena grupa koja se bavila međunarodnim krijumčarenjem heroina, kokaina i marihuane, koji su,

najčešće iz Srbije, dolazili u BiH i Brčko distrikt, odakle se vršila daljnja distribucija. Zaplijeno je ukupno 2,7 kilograma čistog heroina i dva kilograma smjese za miksiranje ove droge.